

**'Sëedhε 'ö Pödhö -ya bɔ
Atanna -bha mε -nu 'wo
Efezö
-pö 'gü -a -nu -dhε**

¹ Mang Pödhö -mε 'ö ga Atanna 'gü kö 'ö n -ya Yesu Klisi -bha bɔmε 'ka bha, ma □në 'a 'sëedhε ya- bɔ 'mε 'ö 'ka bɔ Yesu Klisi 'ka, 'ö 'ka -ya -sü 'ka Atanna -bha -ya 'gü Efezö -pö 'gü, 'ö 'kii 'go ka -wɔ -ta bha ka -dhε.

² Kö kwa Dë Atanna waa- kwa Dëmε Yesu Klisi -wo zuë" 'waanu -sü waa- -gasite kë ka -dhε bha 'aa -yö kë.

'Wɔn -së 'ö Atanna -ya -kë kwa -dhε kwa -bha -bɔ Yesu 'ka -sü -wɔn 'gü bha -a -dhiang 'ö Pödhö -ya zë

³ -Ka -kwa kwa Dëmε Yesu Klisi Dë Atanna bha-nuε" bho! -A -gen -mü □dhε □ya 'wɔn -së "pepe 'ö dhang- 'gü bha- □gban 'do 'do kë kwa -dhε -a -bha 'Nii- "slüüslü bha- -kɔ 'ka Yesu Klisi 'saa- 'gü, "wɔ 'kwa- wo- -wɔn -bha bha- -wɔn 'gü.

⁴ -A pö 'a- wo "dhü bha- 'klɔɔ- -mü □dhε Atanna -yö kwa -sü 'ö kwa -ya ö -bha -ya 'gü Klisi 'saa- 'gü "dhü kö 'yii "kpungtaadhε -zian -da □kö. Kë "dhü kö 'kwa kë 'mε 'ö "slüüslü, 'ö pö -tangga -zian 'yaa- -bha -a 'ka ö wëedhö.

⁵ -Yö -ga Atanna do bha □në- 'gü "dhiö yi 'bha 'ka, kwa -dhɔ -bha -a kë -sü -wɔn 'gü, 'yö kwa -kë ö -bha 'në 'ka Yesu Klisi 'saa- 'gü.

6 Kë "dhü kö -a -bha -gasite -ziisü 'ö- -kë kwa -dhe -a Gbö dhöobhaa -sü bha- 'saa- 'gü bha -a 'to -yö bhö- -wön 'gü.

7 -A pö 'a- wo "dhü bha- 'klö- -mü □dhe Klisi □yöön 'ö □wenng- zë -dhe 'gü bha □në kwa -göta dhö, 'yö Atanna -yö kwaa- 'wön yaa -nu -mawön to. -Yö ö -bha "klösédhe -ziisü bha- -zön kwa -dhe -kö bha □në- 'gü,

8 'wöndödhe waa- -gleng 'gbé □dede □gban suu 'do 'do -nu kwa -dhe -sü 'ka.

9 'Wön 'ö gun -bin -sü 'ka Atanna zuë" "piü yi 'bha 'ka, 'ö yöö do □në gun ö -bha pë dö sië bha, □yaa- -zön kwa -dhe dö 'kwa- wo □dëe ya- 'gü.

10 'Wön 'ö "dhü bha yö -mü □dhe -yö -gun Atanna "piü □dhe pë "pëpë 'ö dhang- 'gü, "ëen 'ö "kpöng □taa, 'ö- □gban "pëpë □loo 'ko -ta kö -a "töng □ya □loo, kö- -göme -yö kë doseng, kö -yö kë Klisi □në- 'ka.

11 'Më 'kwa 'dhang bho Klisi "dhiü Zuifö -nu kpö 'gü bha kwa kwa -bha 'wön -së -nu 'ö Atanna -ya "plüün bho kwa -dhe bha- -slöo kwa -bha 'dhang -bho -a "dhiü -sü bha □në 'saa- 'gü; -a -gen -mü □dhe Atanna -yö kwa -ya bha- -wo -dü -ta "dhü yi 'bha 'ka □dhe -kö 'ö gun- 'ka- zuë" "piü □në- 'dhö, "këe 'sa 'wön "bu 'wön 'ö- -ya ö -zu "piü, -ya -kë 'pö yö □në- -kö -bha.

12 Kë "dhü kö 'më 'kwa -kë më -blëesü 'wo 'dhang bho Klisi -wön "dhiü -a -nu 'ka bha 'kwa kë- 'to -bhöbhamë 'ka.

13 -Kö do bha- 'gü, 'më 'ö 'kaa Zuifö 'ka kaa -dü 'pö, □dhe 'ö 'ka bo teanwön 'ö -gban Atanna -bha, 'ö -kë 'wön -taöng -së 'ö -gban Klisi -wön -bha, 'ö dhasü nu ka -dhe bha- bha- ma -sü 'ka, 'yö 'ka

'dhang bho Yesu bha- "dhiö, 'yö Atanna -yö ö -bha 'Nii- "slüöslü 'ö- "plüün bho me "bhu- -nu -dhe, 'ö □dhe- -ko "gblub 'dhö bha- -ya ka 'gü.

14 'Nii- 'ö "dhü bha □në □dhe 'wön -së -nu 'ö Atanna -ya "plüün bho kwa -dhe bha- taong 'dhö, 'yö 'dhang bho -sü 'ö- "dhiö □dhe -yö -dho 'wön -së -nu bha- kë me "pepe 'ö kwa -ya ö 'töbhöbhamε 'ka bha kwa -dhe dhasü bha- -go -da 'plöö -yi 'ka bha- nu kwa -dhe.

Pödhö -bha -bhea Efezö -me -nu -wön 'gü -sü -dhiang 'ö- zë

15 'Wön 'ö- -wön 'gü 'yö □dhe 'ö mang -dɪ 'pö 'ma ka 'dhang -bho kwa Dëme Yesu "dhiö -ko bha- ma, 'ö 'ma- ma 'zü □dhe me "pepe 'wo bɔ Atanna 'ka -a -nu -dho -yö ka -kë □dedewo,

16 'yö n 'gü 'yaa ga Atanna nuε" bho -sü 'ka ka -wön 'gü, 'yö 'a bhea" sië- -dhe -ko "ub -ko 'ö- 'gü 'yö 'a ka -bha -da 'gü bha 'yö bha.

17 Kë "dhü kö kwa Dëme Yesu Klisi -bha Atanna 'ö kwa Dë 'ka 'ö- -bha 'töbhödhe 'dhö -ziisü bha -yö ka gba 'wöndödhe 'ka, kö -yö ö dɔ -sü bha- -bhödhe bho ka -dhe,

18 kö -yö ka zuë" "dhiö "pu, kö 'wön 'ö -zögondehewön 'ka -a -bha kwa -dhe 'ö- wo bha- 'gü bha, 'ka- yö kö 'ka- □bhlëë dɔ, kö 'töbhödhe 'ö 'wön -së -nu 'ö- -ya me "pepe 'wo bɔ Yesu Klisi 'ka -a -nu -go bha- -kë -ziisü -ko bha 'ka- dɔ 'pö

19 kö 'ka- 'wön dɔ 'pö 'kpakpadhö □dhe -a -bha 'gügbüdhe bha -yö -ziisü, -a "dhiütodhe 'yaa 'dhö 'me 'kwa bɔ- 'ka bha kwa -dhe, "kεε -yö -kë "dhü faan 'ö- 'gü bha □në- -wön 'gü.

20 "Kεε 'sa 'gügbüdhe 'ö "dhü bha -ya -zön kwa -dhe Klisi □në- 'saa- 'gü, -a -bho ga 'gü -sü kö -ya

-bö, kö -ya 'sü -ya -ya -yεa -së 'ö- "piü dhang- 'gü bha- 'gü,

²¹ -ziöμεgöpë -nu oo, 'gügbüdhe -pë -nu waa-faanpë -nu oo, □bhlëë -pë -nu waa- 'tö suu "pepe 'wo □mçç- -bha 'wo- kpç "töng 'kwa dç- 'ka ya- 'gü, "εεn -dhe 'bha □kpaç -yi -zian -bha bha- -nu -gç "dhiü -sü □në- 'ka.

²² Klisi bha □në Atanna 'dhö pë □gban "pepe suu -da -sü 'ka- -gen □wlöö, 'yö- 'sü -sü 'ka 'yö-ya με "pepe 'wo bç- 'ka -a -nu -gçme 'kpii- -sü 'ka.

²³ "Κεε 'sa Atanna -bha με "pepe □gban -loo 'ko -ta -sü 'ö "dhü bha □në □dhe yöö Klisi -me 'ö "kpongtaadhe -todhüsü pa -sü 'ka bha- -dhü 'ö -tosea -kë 'gü waa- 'ö -bha 'gügbüdhe □gban 'dhö -a 'ka.

2

Dhasü 'ö Atanna -ya nu kwa -dhe bha -a -kë -gasite 'ka -kç -dhiang 'ö Pçdhö -ya zë

¹ 'Ö gun -blεεsü kö 'kii Yesu dç □kö, 'wçn yaa □në 'ka gun- kë sië, 'ö ka Atanna -siödhewçn -nu -kë. -A -wçn 'gü ka -gun -gç □dhe 'me □ya ga □në- 'dhö.

² Ka -gun -tosea kë sië- "töng bha- 'gü □dhe -kç 'ö 'me 'waa Atanna dç 'wo "kpong ya- □taa 'wo -tosea -kë 'ka bha □në- 'dhö, 'yö 'ka "yina -nu -bha -gblüdë 'ö -ya -sü 'ka 'tëng- -ta "σε waa- dhang- -a -nu □zinng 'gü bha □në- -dhidhewçn -kë. "Κεε 'sa -a "yina 'ö "dhü bha □në -da 'me 'wo gççgbüdhe kë sië Atanna -gç "töng ya- 'gü bha- -nu -gç 'gü 'yö 'wo- kë sië "dhü bha.

³ Με "πεπε □gban kwa gun □dhe wo □në- -nu 'dhö, 'ö 'kwa -tosea -kë -ko 'ö -dhi kwa -dhe □në- 'ka, 'ö 'wɔn yaa suu "ɔɔ suu 'ö nu kwa -go 'gü □në 'kwa- -kë, 'ö- -kë "dhü -sü bha- -wɔn 'gü, 'ö gun -ben zë -sü 'ka kwa -bha □dhe Atanna -dho 'wɔn bho kwa 'gü kwa suu bha- -wɔn 'gü □dhe me -kpɛa □gban 'dhö.

⁴ Κεε 'yö kwa -wëë 'ö Atanna -kë -a "sinma 'yii kë, 'yö kwa -dho 'ö- -kë -a -naa 'yii kë.

⁵ Yö □në- -wɔn 'gü, 'yö 'me 'kwa gun □dhe 'me □wa ga Atanna -go -a -nu 'dhö kwa kë -song yaa -nu -wɔn 'gü bha, 'yö kwa □nëng Klisi -bha, 'yö kwa -kë -tosea -dee 'bha këme 'ka. -Gasite □dede □në Atanna -ya -kë ka -dhe 'yö ka dha.

⁶ Kwa -bha -kplü Yesu Klisi -bha -sü bha- -wɔn 'gü □dhe 'ö kwaa Klisi -nu kwa -bö, 'yö kwa gba -yɛa 'ka ö "piü dhang- 'gü kö kweng- -nu 'kwa mɛdhe -kë.

⁷ Kë "dhü kö -ya -zɔn -dhe 'bha □kpɔɔ -yi -bha □dhe -gasite 'ö- -kë kwa -dhe bha -yö -ziizisü, -a -zɔn 'ka 'bha -zian □në 'yaa 'dhö -a "klɔ 'ö- -dhi kwa -dhe Yesu Klisi 'saa- 'gü bha- -wɔn 'gü.

⁸ -A -gen -mü □dhe -gasite □dede □në Atanna -yö ka dha- -bha, 'dhang 'ö 'ka- bho Yesu "dhiü bha- -wɔn 'gü, 'yii 'sü ka -bha, -yö ka gba □dede □në- wo- 'ka "wɛɛwɛɛ.

⁹ 'Yii 'sü ka këwɔn -së -nu -bha, kë "dhü kö me 'bha 'ya 'dho- pö 'ö ö 'to 'kun.

¹⁰ -A pö 'a- wo "dhü bha- 'klɔɔ- -mü □dhe yö □në kwa -kë, 'yö kwa □nëng Yesu Klisi -bha. Kë "dhü kö këwɔn -sɛngbɔ -nu 'ö yöö □dede 'ö- -pë -kë -yi 'bha 'ka kö 'kwa- kë bha 'kwa- kë.

Me suu "pepe 'wo 'dhang bho Yesu "dhiü -a -nu -kë do -kɔ -dhiang 'ö Pɔdhö -ya zë

11 'Wɔn 'ö- -wɔn 'gü, 'yö- -dhe 'yaa- -bha □dhe 'me 'ö 'kaa gun Zuifö 'ka, 'ö Zuifö -nu gun ka -dhe sië -kplëe -nu, "kɛɛ kö -a -nu -bha -go 'gbannë 'gü -sü -yö -kë məbhudhe -nu 'gü "slë "wɛɛwɛɛdhe □në- 'ka bha ka -zɔ -yö bho bha 'yö bha.

12 Kö ka -zɔ -yö -bö □dhe 'ö gun "dhü "töng bha- 'gü kö Klisi 'yaa ka -gɔ, kö ka □dhe -dheng 'dhö, kö "sɛgɔ 'ö Atanna -ya sü 'ö -bha 'ka bha 'kaa- 'gü -mə 'ka, kö -mlɛɛ 'ö- "plüün bho 'ö -bha "sɛgɔ bha- 'gü -mə -nu -dhe bha, 'kaa- "sɔɔ -zianwo, kö ka -tun -tosea kë □dhe 'me 'ö Atanna 'yaa- -gɔ, 'ö- -zɔgɔndhewɔn 'yaa 'dhö □në- 'dhö.

13 "Kɛɛ kö ka -zɔ -yö -bö □dhe ka 'ö 'ka gun Atanna 'ka □gblɛɛn yi 'bha 'ka "dhü bha 'ka □yɔɔn- "sɔɔ □dɛɛ Klisi 'saa- 'gü -a □yɔɔn 'ö □wenng kwa -wɔn 'gü -a ga -dhe 'gü bha- -wɔn 'gü.

14 -A pö 'a- wo "dhü bha- 'klɔɔ- -mü □dhe yöö Klisi -mə bha □në -ya -dɪ 'flëe- 'gü -sü 'ö Atanna "piö bha- nu kwa -dhe, yö □në Zuifö -nu waa- 'mə 'waa Zuifö 'ka 'ö- -nu suu -yö gun 'do 'do bha- -nu -kë mə do 'ka, 'yö 'yaɔdhe 'ö gun kwaa Zuifö -nu kwa □zinng 'gü bha- bho mü.

15 Yöö do bha 'zü □në Zuifö -nu -bha 'tɔng- waa- -nu -bha 'wluu- -nu 'ö gun -naa -da sië kweng- -nu kwa □zinng 'gü bha- bho- -bha. Kë "dhü kö 'ö mə -gao □plɛ bha- -nu kë mə do 'ka -a -nu -bha -kplü 'ö -bha -sü 'gü, 'yö kwa -kɔ wü- 'ka 'koo.

16 -A -bha ga 'ö- wo "dhü -bha bha □në -saanmekë 'ö gun -gao □plɛ bha- -nu □zinng 'gü

bha- bho mü, 'yö- -nu -kë mε do 'ka, 'yö waa-
Atanna -nu -a -nu -ko wü 'koo.

¹⁷ -A -kë "dhü -sü bha- 'gü, kö Klisi -yö -nu kö
'ö -dhikodhe -nao bha □në- do 'mε 'kaa Zuifö 'ka
'ö 'ka gun Atanna 'ka □gblεen -blεεsü bha waa-
Zuifö -nu 'ö yi -zë 'yi gun- 'ka klöö- bha mε □gban
yi -go.

¹⁸ -A pö 'a- wo "dhü bha- 'kloo- -mü □dhe 'mε
'yi Zuifö 'ka waa- 'mε 'kaa Zuifö 'ka, mε □gban
kwa -moo -bha □dεε 'ö 'kwa -wo Atanna wëedhö
-a -bha 'Nii- "slüüslü 'ö "dhü doseng bha- □yënnng
'gü Klisi bha □në- 'saa- 'gü.

¹⁹ -A -kë "dhü -sü bha- 'gü kö 'mε 'ka bha,
'kaa -dheng 'ka Atanna -go 'koodhö 'zü, "εen 'kaa
"kpenngmε -nu 'ka 'zü 'dhang 'ka- bho Klisi -wön
"dhiü bha- -wön 'gü, "kεε 'ka kë Atanna -go 'pö-
'gü -mε -nu □në- 'ka, -a -go 'koo -në -nu -zian □në-
'ka, -a -bha 'në -nu "piü.

²⁰ Kaa -di 'pö 'ka kë 'ko 'ö Atanna -ya do, 'ö
Yesu Klisi 'dhö- "kpan -ya -ta -gwë 'ka, 'ö Atanna
-wudhiüloomε -nu waa- Yesu -bha bome -nu 'wo-
"kpan -ya bha- -kplü 'ka □naa bha.

²¹ Yöö Yesu Klisi -mε bha □në 'ko bha- -kë
"gblüüglü, 'yö □kpea 'yö -kë Atanna -dhökëgükö
'ö- "dhia -yö ma- 'gü, 'ö -dhii 'yaa- -bha -a 'ka.

²² Ka -bha -kplü Yesu Klisi -bha -sü bha- 'saa-
'gü, 'ka -da 'pö Atanna -bha 'në -nu -bhiëë 'gü, 'yö
'ka kë 'ko 'ö yöö □dede □ya bo 'ö -bha 'Nii- "slüüslü
-ta kö -yö -ya 'gü bha- 'ka.

3

*Atanna -bha Pödhö -ya dhiang zë 'mε 'waa
Zuifö 'ka -a -nu -dhe -mε 'ka -sü -dhiang 'ö- zë*

¹ 'Wɔn 'ö- -wɔn 'gü 'yö mang Pɔdhö -mɛ 'ö 'a Yesu Klisi -bha gwëemi 'ka, 'a -kaso 'gü -a pö 'a-wo 'mɛ 'kaa Zuifö 'ka 'ka kë Atanna -bha 'në 'ka -a -wɔn 'gü, 'a ɔbheɛ- -dhe ka -wɔn 'gü bha 'yö bha.

² -Yö n 'gü ɔdhe n -ya 'ö Atanna -ya wo ö -bha "klɔsédhe bha- 'gü ka "dhiü -ziö wo -mɛ 'ka bha, 'yaa ka tii' 'ka -wɔn -zë 'ka.

³ -A pö 'a- wo "dhü bha- 'klɔɔ- -mü ɔdhe Klisi -wɔn 'ö Atanna yöö do ɔnë gun- do sië, 'ö mɛ 'bha 'yaa gun- 'gü yö sië bha, yöö ɔdede ɔnë- -ta -pɔ n -dhe. "Kɛɛ 'sa 'wɔn 'ö "dhü bha ɔnë 'a go- 'gü pö ka -dhe -wɔ 'dengdeng 'në 'ka bha.

⁴ -Wɔ -nu 'wo "dhü bha ɔnë 'ka dho- 'wɔn do -bha ɔdhe Klisi -wɔn 'ö gun -bin -sü 'ka "dhü bha a 'wɔn 'në bha -do 'gü.

⁵ 'Wɔn bha- -ta 'pɔ -kɔ 'ö Atanna -ya -pɔ 'ka ö -bha 'Nii- "slüüslü -kɔ 'ka Klisi -bha bɔmɛ -nu waa- ö -wɔdhiüloomɛ -nu "slüüslü 'wo ɔdɛɛ ya- 'gü -a -nu -dhe bha 'yii- -blɛɛsü kë 'nu "dhü mɛ 'bha -mɛ 'bha -dhe do.

⁶ "Kɛɛ 'sa 'wɔn 'ö- -ta -pɔ "dhü bha yö -mü ɔdhe naɔ -së 'ö -gban Yesu Klisi -bha 'wo- do ka -gɔ bha- 'saa- 'gü, 'mɛ 'ö 'kaa Zuifö 'ka bha, kaa Zuifö -nu 'ka kë do, -dhekpaɔ dhia" saan 'ö Atanna -ya -ya 'nu ö -bha 'në -nu bha- -nu -gɔ bha ka -bha ɔya -da 'gü, kɛng- -nu 'ka kë mɛ do ɔnë- 'ka. 'Wɔn do 'ö Atanna -ya "plüün bho- -nu -dhe bha, 'ka kë- ɔslɔɔmɛ 'ka 'pö Yesu Klisi 'saa- 'gü.

⁷ Kë 'a- wo Atanna -bha naɔ -së bha- do -mɛ 'ka bha, yöö ɔdede ɔnë- -bhɔdhe bhɔ n -dhe -a -bha "klɔsédhe 'ka -a -bha 'gügbudhe -kɔ 'ka.

⁸ 'Maa -zɔn mɛ "pɛpɛ 'wo bɔ Atanna 'ka 'ö ɔwa

kë "slööslö bha- me 'dæde -sü -zian 'ö- 'gü -a 'ka -me 'ka, "kæe 'sa Atanna -yö -gasite bha- kë -sü 'ka ma □në n -dhe kö 'a 'wɔn -së -ziisü 'ö- -kë me "bhü- -nu kwa -dhe Klisi -nu kwa -dhe -sü 'ka bha- -nao -pö 'me 'waa Zuijö 'ka -a -nu -dhe.

⁹ Kë "dhü kö 'wɔn 'ö- -zu "piü, 'ö- "piü □dhe 'ö- kë -dhe 'bha □kpaɔ -yi -bha bha 'a- -zɔn me □gban "pepe -dhe kö -wa dɔ. "Kæe 'sa 'wɔn bha -yö -bho Atanna 'ö pë □gban "pepe -da -me 'ka bha- -zu "piü 'nu yi 'bha -yi 'bha 'ka, "kæe -ya -ta "pu -sü 'ka ma □në n -dhe kwa dɔ -ko ya- 'gü kö 'a- -ta "pu 'pö me □gban "pepe -dhe kö 'a- 'gü -ta 'sü -ko -zɔn -nu -dhe.

¹⁰ Kë "dhü kö 'gügbüdhepë -nu waa-medhekëpë -nu 'wo dhang- 'gü -wa 'wɔn dɔ □dæe -yën ya- 'gü □dhe Atanna -bha 'wɔndɔdhe bha- -gao -yö 'gbe -a -bha 'kodhigümë -nu -loo 'ko -ta -sü □gban -bu 'gü.

¹¹ "Kæe 'sa 'wɔn bha 'ö gun Atanna -zu "piü -ko do 'ö- -bha -kpeawo bha -ya -kë kwa -dhe kwa Dëmë Yesu Klisi 'saa- 'gü yö □në- -ko -bha.

¹² □Ya kë □dhe 'kwa -kplü -sü -zë 'ka Yesu Klisi bha, kö kwa -zu 'gɔn -sü -ya -dhe, kwa -mɔɔ -bha 'kwa dho Atanna -kuu "dhiö kwa -ta "puu 'ka kö "sika 'bha -zian 'yaa kwa 'gü.

¹³ -A -kë "dhü -sü bha- 'gü, bhea" □në 'a- wo sië ka -dhe kö saan" 'a- wo sië ka -wɔn 'gü bha 'ya 'dho kë ka 'gü ga -gen 'ka, "kæe kö -yö kë ka "yaan □dhe -yö ka -bha 'ka -së.

¹⁴⁻¹⁵ 'Wɔn "pepe 'ö Atanna -ya -kë kwa -dhe "dhü bha □në- -wɔn 'gü 'yö 'a zun n kpiö 'gü kwa Dë Atanna 'ö 'kodhi "pepe 'wo "së -ta "ëen 'wo dhang- 'gü 'wo go- 'gü bha- -dhe, 'yö 'a □bhea-

-dhe ka -wɔn 'gü.

16 Kë "dhü kö -ya zë ö -bha 'tɔbhɔdhe -ziisü bha -dhe kö -yö ö -bha -gasite bha- kë ka -dhe kö -a -bha 'Nii- "slüöslü bha -yö ka 'gü -gban faan -ziisü 'ö- 'gü bha- 'ka,

17 kë "dhü kö Klisi -wɔn -yö 'to ka zuë" 'gü -kpɛawo ka -bha -zɔ -yö -a -dhe -sü 'gü. 'Ö 'a □bhɛa- -dhe kö -yö -to -a "piü -sü bha- "sɪ kë ka -dhe, kö ka -gen -yö -gban □dedewo -dhɔ 'ö go- "piü bha- 'gü,

18 kë "dhü kö -kɔ 'ö kwa -dhɔ -bha Klisi kë -kɔ 'dhö- -bha, -ya "sɪ kë ka -dhe kö kaa- mɛ "pɛpɛ 'wo Atanna -bha mɛ 'ka 'ka -dhɔ bha- daɔng -bha -kë □gblɛn -sü oo, -a -bha -kë "gbɛa -sü oo, -a -bha -kë zong -sü -sü oo -a -dɔ -gɛan -sü -bha -kë □gblɛn -kɔ -nu 'wo -kɔ 'ö- -bha, kö 'ka- dɔ 'kpakpadhö -së 'ka.

19 A -bhɛa -dhe 'zü "dhü kö Klisi -bha -dhɔ 'ö- -kë kwa 'ka, 'ö -ziö mɛ "bhɪ- -nu -bha 'wɔn 'gü ma -naa -zë □gban -ta bha 'ka- 'gü ma, -a -gen -mü □dhe yö □në □ya kë "dhü 'yö 'ka dho □mɔɔ- -bha 'ka Atanna -wɔn -gen bho -kɔ □gban dɔ "pɛpɛdhö 'yö ka zuë" pa -kɔ □gban -kɔ □gban 'gü.

20-21 "Sɪ -yö Atanna -dhe, -a -wɔn 'gü -yö -mɔɔ -bha 'ö yë -kë kwa 'gü ö -bha 'gügbɪdhe -bha, 'yö 'wɔn "pɛpɛ 'kwa □bhɛa- -dhe -a -wɔn 'gü, waa- 'dhe -zian 'kwa kwa -zɔ □në- gɔn- 'ka bha 'ö- "dhiü -ziö -ta -kë kwa -dhe. 'Wɔn 'ö- -wɔn 'gü 'yö 'a- pö □dhe yö □në- 'tɔ -yö bhɔ Atanna -bha 'kɔdhigümɛ □gban -loo 'ko -ta -sü kpö 'gü -kpɛawo Yesu -bu 'gü kö -yö 'to- 'to -kɔ 'ka bha 'yö bha. Kö -yö kë "dhü bha 'aa -yö kë!

4

Atanna -bha me -nu -bha -kë do Yesu 'saa- 'gü -ko -dhiang 'ö Pödhö -ya zë

¹ -A -kë "dhü -sü bha- 'gü, ma 'ö ma -zë a -kaso 'gü kwa Dëme -wön 'gü bha bhëa" □në 'a- wo sië ka -dhe kö 'ka 'ta □dhe -ko 'ö Atanna 'ö ka -dhe bha 'ö- "piü □dhe -wa wo- 'ka -a 'dhö.

² Kö "klv -yö kë ka 'gü, kö 'ka kë zuë" -kun ka -bha -me 'ka, kö ka zuë" -yö kë -sëa, kö 'ka ka 'ko -nu -kwëë bun -dho 'gü,

³ kö -kë do -sü 'ö Atanna -bha 'Nii- "slüöslü -ya -da ka □zinng 'gü bha 'ka ka 'gü do "gbu- kö yö □në 'ya 'dho "kan tongtongdhö, "këë kö 'ka 'to ka 'ko -dhe -së -kpeawo.

⁴ -A pö 'a- wo "dhü bha- 'klö- -mü □dhe Klisi -dhü 'ö Atanna -bha me -nu -loo 'ko -ta -sü 'ka bha, -yö "dhü doseng, 'ö Atanna -bha 'Nii- "slüöslü bha 'ö "dhü 'pö do, 'ö -dhekpao dhia" saan 'ö Atanna -yö ka -dhe 'ka 'ö 'ka "yan 'to sië- go bha 'ö doseng.

⁵ Kwa Dëme -yö "dhü 'pö doseng, 'ö 'dhang -bho -a "dhiü -ko 'ö "dhü 'pö doseng, 'ö me -bo -a 'ka -zu bho -ko 'ö "dhü doseng 'pö.

⁶ Atanna 'ö me □gban "pepe kwa Dë 'ka bha -yö "dhü 'pö doseng, yö □në pé □gban "pepe -go -ta, 'yö 'wön -nu -kë me □gban "pepe -ko -ta, 'yö me □gban "pepe kwa 'gü.

⁷ "Këë -bhödhe 'kö Klisi -ya bhö kwa -dhe bha me 'ö "dhü -a -bha -yö -dhö, "këë 'sa -yö 'me 'dhe "dhü -a -bha -nu -dhe -ko 'ö -dhidhe □në- 'gü,

⁸ □dhe -ko 'ö -ben zë -sü 'ka- 'ka- -wu 'sëëdhe 'gü -a 'dhö □dhe:

-Yö □dhuëng -nu -nëng ö -bha kö □ya 'to- "gbu-
'ka

'ö dho- -nu 'ka 'tëng- -ta □gblëen,

'yö -bhödhe -nu bhö me "bhu- -nu -dhe» bha-
'dhö.

⁹ "Kë □waa- pö Klisi -yö kë -dho 'tëng- -ta kö -wa
pö □dhe? Kö -wa -pö -yö löö- □në- wo □kö -blëesü
'yö dho "se □wlöö □gblëen, 'yö -ya mü 'yö gun -na
-ton 'kun- 'yö dho dhang- 'gü.

¹⁰ -A -gen -mü □dhe me do 'ö □löö bha □në go mü
'zü 'ö -ton kun, 'yö dho dhang- -ta "dhüng 'gü -dhe
-nu □gban 'gü. Kë "dhü kö yöö do 'ö kë -dhe □gban
"pepe 'gü, kö 'ö -ya pë □gban "pepe -gö "dhiü.

¹¹ Yö 'ö bha □në me 'bha -nu nu ö -bha böme -nu
'ka ö -bha me -nu kpö 'gü kö -wa -nu -ta 'kun, 'yö
me 'bha -nu -ya ö -wodhiüloomë 'ka, 'yö me 'bha
-nu -ya ö -bha naö -së bha- döme -nu 'ka, 'yö- me
'bha -nu -ya "yan -to ö -bha me -nu -bha -me -nu
"ëen -a -nu □klangkëme -nu 'ka.

¹² Kë "dhü kö -wo 'me 'wo bö ö 'ka bha- -nu draan-
yë 'ö- nu- -nu -dhe -a -bha zian -ta bha- kë -sü
-bha, kö -a -bha me -nu -loo 'ko -ta -sü 'ö wo □në
'wo □dhe Klisi -dhü 'dhö bha -wa -nu 'dho "dhiü
-a -nu -bha -zö -yö -a -dhe -sü 'gü.

¹³ -A -gen -mü □dhe -a -dhea -bha □dhe 'me 'kwa
bö- 'ka bha 'kwa "gla kö 'kwa -da "dhiü -kö bha
□në- 'gü. Kë "dhü kö kwa -bha 'dhang -bho
Atanna Gbö bha- "dhiü -sü waa- kwa -bha -a dö
-sü □gban -yö kë pë do 'ka, kö 'kwa kë 'me 'waa
'në 'ka 'zü, "kë 'ö □wa -kian Atanna -bha zian -ta
□në- 'ka. -A yö □në □ya kë "dhü, kö kpëa- -kö -së
□dede 'ö □dhe Klisi -bha 'dhö bha 'kwa- wo.

¹⁴ -A yö □në □ya kë 'pö "dhü kö 'kwa kë me

-gbang -du "pöpö 'ka Atanna -bha zian bha- -ta, kö 'kwaa 'në sɛɛnnë -nu 'ö mɛ □klang kɛ -ko suu □gban "pɛpɛ -ya -nu -zɔ kun bha- 'ka 'zü, kö mɛ "ɔɔ mɛ 'bha 'yaa □mɔɔ- -bha 'zü kö -yö kwa -ta ma kö -yö kwa -pö Atanna -dhökë -sü 'gü.

¹⁵ "Κεε kö 'kwa kɛ 'mɛ 'wo 'wɔn □gban "pɛpɛ suu -kɛ tɛan- -ta, -dho 'gü, 'ö □ya kɛ -a -nu kɛ -yɛ 'ka □nɛ- 'ka. "Κεε 'sa yö □nɛ □ya kɛ "dhü, 'yö 'kwa dho 'gla 'yö 'kwa -da "dhiü 'wɔn suu □gban "pɛpɛ kɛ -sü 'gü, 'yö 'kwa -kɛ □dhe Klisi 'ö kwa -gɔ 'ka bha- 'dhö.

¹⁶ -A -gen -mü □dhe Atanna -bha mɛ -nu -loo 'ko -ta -sü 'wo □dhe Klisi -dhü 'dhö bha- daɔ -nu 'wo- -bha bha -wo zun -sü 'ka 'kwɛɛ- -sɛ 'ka yö □nɛ- 'saa- 'gü, 'yö 'wo -kɛ pɛ do 'ka. Yö □nɛ- -nu □gban zun 'kwɛɛ-, 'yö faan 'dhe 'ö □mɔɔ -a daɔ 'dhe 'ö- -bha -a nu- -dhe 'yö yɛ -kɛ 'ka 'yö- -dhü bha 'ö -gla 'ka 'yö -da "dhiü -dho 'gü.

"Ta 'sü -ko -dee 'ö Klisi -bha zian -ta -a -dhiang 'ö Pɔdhö -ya zɛ

¹⁷ -A -wɔn 'gü, -dhio 'a dho- do ka -ta kwa Dɛmɛ bha- 'tɔ 'gü 'ö 'a n kɔngga -ziö 'ka "sɛɛ ka -dhe yö -mü □dhe: -A -dhe 'yaa- -bha 'zü kö 'ka -tosɛa kɛ □dhe 'mɛ 'waa 'dhang bho Atanna "dhiü -a -nu 'dhö. -A -gen -mü □dhe wo -zɛ -wo -tosɛa -kɛ -ko 'ö -dhi -nu -dhe □nɛ- 'gü, "κεε 'sa -tosɛa suu 'dhe 'kö bha- -zun "dhiü bhlɔɔ 'yaa 'dhö

¹⁸ -A -nu -bha 'wɔndɔdhe -ta -yö trö -sü 'ka, -wo □dhe -dhɛng 'dhö -tosɛa 'ö -gban Atanna -bha bha- -wɔn 'gü, -a -nu zuɛ" 'ö "gloɔglo 'ö 'waa Atanna do tongtongdhö bha- -wɔn 'gü.

19 -A -kë "dhö -sü bha- 'gü 'waa 'yiü- -wɔn 'bha -zian do 'zü, □wa wo -go -gban 'wɔn "bhluubhlu bha □në- kë -sü 'gü, -zua suu yaya □gban "pepe suu 'do 'do zë -sü bha □në 'wo- -bha, waa- □nao -dho yaagü yaa bha- 'dhö 'yö 'waa "wɪ- -bha kö 'wo "kan- -bha.

20 "Κεε ka -zë 'wɔn 'ka- ma Klisi -bu 'gü 'yaa kë "dhö.

21 -A -kë "dhö -sü bha- 'gü, "ni 'ö □ya kë □dhe 'ka Klisi -wɔn ma -sü -zë 'ka tean- □dede 'ka, 'ö 'wo "ta -sü Yesu -bha tean- -zian bha- -ta -ko -zë -zɔn -sü 'ka ka -dhe,

22 kö- 'wɔn kë ka "yaan □dhe zuëga yaa 'ö gun ka "gblöü- -bleesü 'ö 'ka gun- 'gü -ta wo sië bha, ka -dho ka bo- 'ka. -A -gen -mü □dhe zuëga 'dhe 'kö bha □në gun 'wɔn yaa kë -dho -da sië ka -zu -bha 'yö "kpëng- -kë 'ka ka -go 'yö dho ka 'ka □dheng -zian -ta.

23 -A -dhea -bha □dhe do 'dhe 'kwa- wo □taa- masü ya- 'gü ya, 'ka ka zuëga slëe- -ko □gban -ko □gban 'gü Atanna "piü kö- -bha 'Nii- "slüüslü bha -yö -gleng -dee □në- -da ka -bha.

24 Kö 'ka "gla 'ka kë me suu -dee 'ö □yaa- -da ö bhɔ -bha 'ka □në- 'ka, kö ka -bha -tosea kë -sü 'gü, kö □tɔɔ 'ya 'dho kë ka -bha 'wɔn 'bha -wɔn 'bha 'gü, kö 'ka kë "slüüslü, kö 'ka 'wɔn □gban "pepe kë taan- -ta.

25 -A kë "dhö -sü bha- 'gü, -ka ka bo □sua kë -sü 'ka kö 'ka teanwɔn □në- pö ka 'ko -nu -dhe. -A -gen -mü □dhe me □gban kwa -gban -sü 'ka kwa 'kwëe- □dhe me dao -nu 'wo -gban me -dhü -bha -ko 'ö- -bha bha □në- 'dhö.

26 □Ya kë □dhe 'wɔn □ya -siö ka -dhe, -kaa 'kun ka -bha kö 'ka 'dho 'wɔn yaa kë tongtongdhö.

"Bin -zian 'ya 'dho 'ma kö 'wɔn 'ö -siö ka -dhe bha -yö -tun ka zuë" "piü.

²⁷ 'Ka 'dho ka -dɪ -kun 'ka bhië" dɔ Sɔtraan □kwεε-.

²⁸ 'Mε -a -bha pë -yö 'gü -pë -yö gun □kwaan □në- 'ka, -a -mε -yö ö bo- 'ka kö -yö ö 'gü dɔ "gbu- -yö yë kē kö -yö ö -bhöpë □slɔɔ, kö -yö 'mε 'wo -kpla 'gü 'pö- -nu bho -kpla 'gü.

²⁹ Dhiang yaa -zë do -zian 'ya 'dho -wo ka "dhi -ta mε 'bha -dhe, "kεε "ni -a kē -dhe -zë □ya kē, -wɔ -së 'ö dho 'mε 'ka dhiang zë sië- -dhe bha- faan dɔ -to Atanna "piü -sü -bha, 'ö- zuë" -ya -yεa 'gü bha □në -kaa pö.

³⁰ 'Ka 'dho Atanna -bha 'Nii- "slüöslü -siö -dhe -wɔn kē 'ö 'ka- wë 'gü -siö ka -tosεa kē -kɔ 'ka. -A -gεn -mü □dhe yö □në 'klëë- 'ö Atanna -ya kpɔ ka -bha -a 'ka. Yö □në- -zɔn kwa -dhe □dhe -dhe 'bha- -dho kpαɔ, Atanna -dho kwa -bha dha -sü bha- -gɔ -da 'plöö.

³¹ -A -wɔn 'gü, -a -dhe 'yaa- -bha □dhe 'ka 'wɔn 'kun ka -zɔ "piü mε 'bha -bha, "εεn kö 'ka kē "kakasü, "εεn kö 'ka -zoo kē, "εεn kö 'ka -dɔn bho, "εεn kö 'ka -wɔ yaa pö mε -nu -dhe, "εεn kö 'ka kē 'wɔnyaakēmε ka. -A suu 'dhe bha -yö 'go ka □zinng 'gü.

³² Ka "klɔ □në -yö dhi ka 'ko 'ka, kö 'ka ka 'ko -wëë -ga, kö ka "gblü -yö dhi □dhe -kɔ 'ö Atanna -yö "gblü -së -kē 'ka ka 'ka Klisi 'saa- 'gü bha- 'dhö.

5

"Ta -sü Atanna dhɔɔbhaa 'ka -kɔ -dhiang 'ö Pɔdhö -ya zë

¹ □dhe 'ö -kë □dhe ka □në 'ka Atanna -bha 'në -nu 'ö- -dhö -ya -kë -a 'ka bha, -ka ka 'gü dö "gbü-kö 'ka ka -bha 'wɔn kë -kɔ -nu 'sü yö □në- -bha -bha.

² Kö 'ka -tosɛa kë -dhö 'gü □dhe Klisi 'dhö, kö -kɔ do 'ö kwa -dhö -ya -kë 'ka, 'ö ö -dɪ nu kwa -wɔn 'gü Atanna -dhe 'yö -kë kwa -bha "saapë 'ö- "dhia -yö ma- 'gü -a 'ka bha ka -dhö -yö ka 'ko kë "dhö. "Kεε 'sa ö -dɪ nu 'ö- wo Atanna -dhökëkapë 'ka □dhe -kɔ bha- 'dhö bha □në- 'gü -wɔn -yö -dhi -dhe yaa 'gü yaa wo 'yö -kë -a -bha "saa- bha- "dhiö "wɪ -gen 'ka.

³ 'Mε 'wo Atanna -bha mε 'ka 'ö 'wo "slüöslü bha- -dhe 'yaa- -bha □dhe pö -yö kë- -nu -bha. -A -kë "dhö -sü bha- 'gü, -zua zë -sü -nu oo, "yan 'gü yaa -dhe -nu bha waa- zuë" -bhö □naɔ -bha -sü -nu bha, -ka ka bo- 'ka. Mε 'bha "tɔ -zian □në 'ya 'dho -da 'gü ka kwi -bha.

⁴ -A -dhe 'yaa- -bha 'zü □dhe 'ka "dhidheyaadhe kë, "εen kö 'ka -tamadhe -dhiang -nu "εen "gbɛata yaa -nu zë. -A -dheɛa -bha □dhe Atanna nuɛ" bho -wɔ □në -yö kë ka "dhi -kpeawo.

⁵ -A pö 'a- wo ka -dhe "dhö bha- 'klɔɔ- -mü □dhe -zuazëmε -nu oo, zuë" -bhö □naɔ -bha -mε -nu oo, "yangüyaamε -nu oo, -a mε do -zian 'yii 'dho 'wɔn -së -nu 'wo Atanna waa- Klisi -a -nu -bha -gblüädhdhëkëdhë bha- 'gü bha- □slɔɔ. Yö -zë -yö 'to ka "yaan. (-A -gen -mü □dhe zuë" -bhö □naɔ -bha -mε bha waa- □gebho -dhökëmε -a -nu -due do.)

⁶ -A -wɔn 'gü, -kaa kë -së kö mε "ɔɔ mε 'bha 'ya 'dho ka "tɔ 'kun □nεε -dhe 'ö -tamadhe -dhiang -nu zë ka -dhe 'ö ka -zɔ kun. -A -gen -mü □dhe

Atanna -dho 'wɔn bho 'mɛ 'waa 'tu 'to ö -wɔ -bha bha- -nu 'gü 'wɔn suu -nu bha □në- kē -sü -wɔn 'gü.

⁷ -A -kē "dhü -sü bha- 'gü, -kaa kē -sē kö ka -gen 'ya 'dho -da 'wɔn suu -nu bha- kē -sü "yi □bhaa -a -nu "piö.

⁸ -A -gen -mü □dhe 'ö gun zii 'kpa -blɛsü kö 'kaa Atanna dɔ ka -gun 'wɔn -nu bha- kē siē 'pö □dhe -a -nu 'dhö 'ö 'ka "ta sü □dhe mɛ 'dhö -dhetiidhe 'gü, "kɛɛ dɔ 'dhe 'kwa- wo □dɛɛ bha 'yaa "dhü 'zü, 'ka bo Atanna dɔ -sü 'ka -kplü 'ka- wo kwa Dɛmɛ -bha bha- -wɔn 'gü, 'ka kē □dhe 'mɛ 'wo -dhepuudhe 'gü -a -nu 'dhö; -a -wɔn 'gü, -ka -tosea kē □taamasü ya- 'gü □dhe 'mɛ 'wo -dhepuudhe 'gü □në- 'dhö.

⁹ -A pö 'a- wo "dhü bha- 'klɔɔ- -mü □dhe 'mɛ 'kö -dhepuudhe 'gü kö- -mɛ -yö 'wɔn -sē suu □gban "pɛpɛ 'do 'do □në- kɛmɛ 'ka, kö pö 'yaa- -bha 'wɔn 'bha -wɔn 'bha 'gü, kö -yö 'wɔn □gban -wɔn □gban kē tɛan- -ta.

¹⁰ -A -kē "dhü -sü bha- 'gü, -ka ka -zɔ 'gɔn -sē □dede 'ka kö 'wɔn 'dhe 'ka- kē 'ö- "dhia- dho 'ma kwa Dɛmɛ bha- 'gü □në 'ka- kē.

¹¹ Ka -zē -kaa kē -sē kö "wlaawɔn -nu 'ö- -nu -zun "dhiü -bhɔɔ 'yaa kē, 'ö 'mɛ 'wo -dhetiidhe 'gü, 'wo- kē siē bha ka -gen 'ya 'dho -da "yi □bhaa tongtongdhö, "kɛɛ kö ka -zē 'ka 'wɔn suu -nu bha- kē -sü -bha 'fang □në- bho.

¹² -A -gen -mü □dhe 'wɔn -nu 'wo- -kē -gblɛn 'kpɔ 'gü "dhü bha- pö -sü -zian -yö 'yiö- -sü.

¹³ "Kɛɛ -a □gban 'klɔɔ- □ya bo bho -sü 'ka kö mɛ □gban □waa- -kē pē yaa 'ka -dhe □dede yö.

¹⁴ -A pö 'a- wo "dhü bha- 'klɔɔ- -mü □dhe mɛ

"υυ με 'ö- "yan 'gü □ya bo "pu -sü 'ka, kö □ya kë
 ö "teabɔ -nu "yan 'gü "pu -me □në- 'ka 'pö bha.
 'Wɔn 'ö- -wɔn 'gü, 'yö 'wo- pö □sië □dhe:

«'Me 'i yi zë sië me □wa ga Atanna wëëdhö -a -nu
 kpö 'gü bha -bhö -bö,

-bhö -bö kö 'i 'go game -nu -bhiëë 'gü.

□Ya kë "dhö Klisi -dho -dhe "pu i -ta» bha 'yö bha.

¹⁵ □Dhe 'ö "dhö, -ka "ta ka suan' 'ka. 'Ka 'dho
 -tosea kë □dhe 'me 'wo wo tii -bha -a -nu 'dhö,
 -kaa kë -glengdhe -bha.

¹⁶ 'Kwa dɔ 'ya-, 'wɔn -së kë "tüng □në ziö sië
 bha, -a -wɔn 'gü "tüng "υυ "tüng 'ö- "sɪ -zë □ya
 kë- 'ka ka -dhe, -kaa kë.

¹⁷ -A -kë "dhö -sü bha- 'gü, -kɔ 'ka dho- kë- 'ka
 kö 'ka kwa Dëme -dhidhewɔn □në- kë □në -kaa
 -dhe mɔɔ-, 'ka 'dho -tosea kë ka -gɔ "piü.

¹⁸ 'Ka dho- pö 'ka we mü 'ö ka kun, -a -gen
 -mü □dhe 'ka- mü kö ka -kɔ -yö ziö- 'ka, kaa
 kë 'wɔnmakoomë □në- 'ka. -Kaa "slë mɔɔ- kö
 Atanna -bha 'Nii- "slüüslü □në -yö ka pa.

¹⁹ Kö 'ka Atanna 'tɔ bho -tan -nu bho, kö 'ka
 "gbaɔ bho- -zü, kö 'ka "tan -dee 'ö- -bha 'Nii-
 "slüüslü 'ö ka 'gü bha 'ö dho "yi dɔ- 'ka ka -bean
 bha- bho. Kö ka Atanna nuë" bho sië "tan 'gü
 ka -sɔbhëë -bha, kö yö □në -yö kë ka 'ko -nu -zɔ
 -gban -kɔ 'ka.

²⁰ -Ka kwa Dë Atanna nuë" bho -kpɛawo 'wɔn
 suu □gban "pɛpɛ 'gü kwa Dëme Yesu Klisi 'tɔ 'gü.

²¹ Kö 'ka ka -gɔ 'dho 'sia- ka 'ko -nu -dhe Klisi
 □bhlëë -bha -kë ka -gɔ -sü -wɔn 'gü.

*Dhe waa- gɔn -a -nu -kë 'ko "piü -kɔ -dhiang 'ö
 Pɔdhö -ya zë*

22 Dhebhö -nu, -ka kaa- gɔɔn- -nu ɓhlëë -ya ɓdhe -ko do 'ka kwa Dëmε ɓhlëë -ya 'ka bha-'dhö.

23 -A -gen -mü ɓdhe gɔɔn- ɓnë dhebhö -gɔ "dhiü ɓdhe Klisi 'ö ö -bha mε -nu 'wo ɓdhe- -dhü 'dhö bha- -nu -gɔ "dhiü -ko 'ö- -bha, 'ö- Dhamε 'ka bha-'dhö.

24 -A -wɔn 'gü, Klisi -bha mε -nu -loo 'ko -ta -sü ɓgban 'wo wo -gɔ dho- -dhe "sia- -ko do 'ö- 'gü bha, -a -dhea -bha ɓdhe dhong -nu -wo wo -gɔn ɓhlëë -ya -ko do bha ɓnë- 'gü 'wɔn ɓgban "pepe suu 'gü.

25 Dhemedë -nu kaa -dɪ 'pö, mε 'ö "dhü -a -bha dhebhö -dhö -ya kë ɓdhe -ko 'ö Klisi -bha mε -nu -dhö -ya -kë 'ka, 'yö ö -dɪ nu- -nu -wɔn 'gü bha-'dhö.

26 "Kεε 'sa -a kë 'ö- wo "dhü bha -ya kë "dhü kö 'ö- -ya ɓnë- wo -dɪ -ta, kö 'ö 'bɔn bho- -bha -a "zu -sü waa- ɓklang -kë -a -wu 'ka -sü 'ka.

27 -A -gen -mü ɓdhe -ya "piü ɓdhe -a -bha mε -nu bha -wo kë- -gɔ ɓdhe 'nëdhiëngnë -së 'nënë 'ö yöö- 'sü, 'ö- kwi -bha -dhe ɓgban 'dhö 'yɔ -sü 'ka drëngdrëngdhö, "εεn 'ö- -zëkadhe do zian 'yaa- -bha ɓnë- 'dhö, kö -yö -wo ö wëëdhö "puu "slüöslü 'ka.

28 -A -dhea -bha ɓdhe dhemedë 'ö 'dhö -a -bha dhebhö -dhö -ya kë ɓdhe -ko 'ö- -dɪ kwi -dhö -ya -kë 'ka -a 'dhö. -A -gen -mü ɓdhe 'mε 'ö- -bha dhebhö -dhö -ya -kë, kö- mε -dɪ -dhö -ya -dɪ -kë.

29 -A pö 'a- wo "dhü bha- 'klɔɔ- -mü ɓdhe mε 'bha -dɪ -san 'yaa ö -dɪ kë tongtongdhö. -Yö ö -dɪ "dhiü -zian ɓnë- gba 'yö ö -dɪ -wɔn kun ɓdhe -ko 'ö Klisi -yö ö -bha mε -nu -bha -kë 'ka -a 'dhö.

³⁰ -A pö 'a- wo 'ka- kë "dhü bha- 'klɔɔ- -mü □dhe Klisi dao -mü kwa 'ka.

³¹ 'Wɔn 'ö- -wɔn 'gü 'yö Atanna -wɔ -ya pö □dhe: «-A -kë "dhü -sü bha- -wɔn 'gü, -a -dhea -bha □dhe gɔɔn- -yö "kan ö dhe waa- ö dë- -nu -bha kö -yö -kplü ö -bha dhebhɔ -bha kö weng -wo kë pë do 'ka bha 'yö bha.»

³² 'Wɔn 'ö "dhü bha- 'klɔɔ- 'ö- 'gü bha -yö -ziisü. -A pö 'a- wo "dhü bha a- -sü Klisi waa- -bha me -nu □në- -nu -bha -bha.

³³ -A -kë "dhü -sü bha- 'gü, -a -dhea -bha 'pö □dhe ka -bha -yö kë □dhe Klisi -bha bha- 'dhö kö 'me 'ö 'dhö -a -bha dhebhɔ -dhɔ -ya kë □dhe -a -dɔ -dhɔ 'dhö- -dɔ -kë -kɔ 'ö- 'gü bha- 'dhö. Kö dhebhɔ yöö -dɔ 'pö -yö □bhlëë -ya ö -gɔn -bha.

6

'Në waa- ö 'kpɔme -nu -a -nu -bha -kë 'ko "piü -kɔ -dhiang 'ö Pɔdhö -ya zë

¹ 'Në -nu, -ka ka 'kpɔme -nu -wɔ ma, yö □në kwa Dëme -dhidhewɔn 'ka, 'yö këwɔn 'ka 'pö.

² Atanna -bha 'tɔng- 'ö -ben zë -sü 'ka bha- -blæsü 'ö "plüün bho 'ö- -wɔ -ta yö -mü: «I dhe waa- i dë -a -nu -wɔ ma -sü bha □në- 'ka» 'yö "plüün bho 'ö- -wɔ -ta 'ö- pö:

³ «Kë "dhü kö 'i -tosɛa kë zuë" □nii -da 'gü, kö i □sii -yö kë □gblɛɛn "kpɔng □taa.»

⁴ 'Në dë -nu kaa -dɔ 'pö, 'ka 'dho bhlɔɔ 'ma ka bhang -nu 'gü. -Kaa -nu "klɔ □në bho -së 'ka kö 'ka- -nu draan "ta -sü kwa Dëme -bha zian -ta -sü -bha, kö 'ka- -nu □klang kë -a -wɔ 'ka.

⁵ □Dhuëng -nu, -ka "suö ka dëmε -nu -gɔ □dedewo, kö 'ka- -nu □bhlëë -ya "gblüüdhe "puu -ta □dhe 'pë 'ö 'ka- kë sië "dhü Klisi □në- -dhe -a 'dhö.

⁶ 'Ka 'dho- kë "dhü -a -nu "yan "dhiü ka "dhia -ma -a -nu 'gü -dho -bha. "Kεε -kaa kë □dhe Klisi -bha mε -nu 'wo- kë sië "dhü wo zuë" □gban 'ka kö wo "dhia -yö 'ma Atanna □në- 'gü -a 'dhö.

⁷ -Ka ka -bha □dhuëngdhe kë zuë" "puu 'ka □dhe 'pë 'ka- kë sië Atanna □në- -dhe -a 'dhö, kö 'ya 'dho kë ka 'gü □dhe ka- kë sië "dhü mε "bhü- -nu -dɪ -sloo □në- -dhe.

⁸ -Yö kë ka "yaan □dhe 'mε 'ö 'wloo- 'ka oo, 'mε 'ö □dhuëng -zian □në- 'ka oo, 'mε 'ö "dhü -a këwɔn -së □në kwa Dëmε dho- -duε bho- -bha.

⁹ 'Mε 'ö kaa -dɪ 'pö 'ka □dhuëng dëmε -nu 'ka, -ka ka -bha □dhuëng -nu 'kun -së 'pö -kɔ do bha- 'gü. 'Ka 'dho- pö 'ka "suö -da -nu 'gü, -a -gen -mü □dhe keng- -nu □gban ka -gɔmε -yö do, yö □në Atanna 'ka dhang- 'gü, yö 'ö "dhü bha 'yaa bɔ mε 'bha 'ka □flü -ta.

Atanna -bha -gblü -gɔɔn -kɔ □dede -dhiang 'ö Pɔdhö -ya zë

¹⁰ Dhiang -totaamasü 'a dho- zë ka -dhe kö -yö kë 'sëedhe ya- "dhiü -ya -dhe 'ka bha yö -mü □dhe kö 'ka ka faan dɔ -kplü kwa Dëmε -bha -sü □në- -bha, kö 'ka- -bha 'gügbudhe bha □në- 'sü.

¹¹ -Ka Atanna -bha -gblü -gɔɔn 'ka -kwεε □gban "pεpε -ya ka -bha. Kë "dhü kö Sɔtraan -bha "kpënnɔ- -kɔ 'ya 'dho □mɔɔ ka -bha.

¹² -A pö 'a- wo "dhü bha- 'kloo- -mü □dhe kwa -gblügɔɔn "yɔɔ -nu bha mε "bhü- -nu 'waa

-mü. "Κεε "yina -gblüdē -nu waa- -ziö με -gɔ -pē -nu waa- -suögɔpē -nu 'ö με 'yaa yö 'ö 'wo "kɔpungtaadhē 'ö 'wɔn yaa -kɔ ɔya ziö- -gɔ ya- -gɔ "dhiü bha waa- "yina "klɔ yaya -nu 'wo 'tēng- -ta bha ɔnē 'kwa 'ko zē siē- -nu 'ka.

13 'Wɔn 'ö- -wɔn 'gü, 'yö 'a- pö ɔdhē 'ka ka -kɔ -da Atanna -bha -gblü -gɔɔn 'ka -kwεε ɔgban 'gü bha 'yö bha. Kē "dhü kö 'ka 'to- "gbɔ- 'ka "töng yaa 'gü -gblü bha- gɔn -sü 'gü, kö 'ka 'dho 'go "gblɔɔ tongtongdhö.

14 -A -kē "dhü -sü bha- 'gü, -ka kē dɔ -sü 'ka -gblü gɔɔn -yan 'gü -dhē ɔgban -dhē ɔgban 'gü, kö teanwɔn ɔnē -yö kē ka -gɔ ɔdhē kwi "pɛn 'ö "sɔdha -nu -wa -ya sɔ -ta bha- 'dhö, kö "ta -kɔ -sē 'ö pö 'aa kē με -bha bha ɔnē -yö kē ɔdhē -piö "bhεε 'ö -gblügɔɔnμε -nu -wa -da ɔsiē bha ka -bha 'dhö.

15 Kö naɔ -sē 'ö με zuēwaanu bha- -pö με -nu -dhē -sü -pɛng -dɔ ka 'ka -sü ɔnē -yö kē ɔdhē -gblügɔɔn 'ka -sabha 'dhö ka -gen -bha.

16 -Zɔ -yö Atanna -dhē -sü ɔnē -yö kē ka -gɔ "töng ɔgban "pɛpɛ 'gü. Yö ɔnē -yö kē ka -gɔ ɔdhē dhεga 'ö -kē "sɔdha -nu -gɔ bha- 'dhö. Kē "dhü kö Sɔtraan -bha ɔsaaga -nu 'ö pɛng 'dhö- "dhiü 'ö dho- -zuö ka -bha bha -yö 'to yö ɔnē- -bha kö 'ya 'dho zun ka -bha.

17 Kö dha -sü 'ka- ɔslɔɔ bha- -wɔn -zɔgɔndhe ɔnē -yö kē ka -gɔ 'gü yi ɔgban 'ka ɔdhē -piö gblaa- 'ö -kē "sɔdha -nu -gɔ -bha bha- 'dhö. Kö Atanna -wɔ 'ö yö ɔnē ɔdhē -a -bha 'Nii- 'ö ka 'gü bha- -bha 'ko -zē 'ka -piö 'dhö bha -yö kē ka -gɔ.

18 'Wɔn "pɛpɛ bha -kaa ɔgban kē -bhεa Atanna -dhē -kɔ suu "pɛpɛ 'ö- -bha 'Nii- -ya -zɔn ka -dhē

□në- 'ka kö -yö ka -ta 'kun, -kaa wo "töng □gban "pepe 'gü. -Yö kë ka kë -yë 'ka ka 'gü 'ya 'dho ga-bha. Kö 'ka bhea" 'pö me "pepe 'wo -ya -sü 'ka Atanna -bha -ya 'gü -a -nu -wön 'gü -a -dhe.

¹⁹ -Ka bhea" 'pö n -wön 'gü, kë "dhö kö 'ma n "dhi "pu kö nao -së 'ö gun -bin -sü 'ka 'ö Atanna -ya -ta -pu kwa -dhe bha 'a- -dhiang zë me "bhu- -nu -dhe 'kpakpadhö kö "se- 'go- -bha.

²⁰ -A -gen -mü □dhe -a -bha naodome -mü n 'ka, 'yö 'a- -kaso 'gü ya, "këe kö 'ma- pö kö 'a- pö- pö -kö □dede □në- -ta kö "sika do -zian 'ya 'dho kë n 'gü -a -wön 'gü.

²¹ -A 'dhe 'kö -gban ma -zë n -bha waa- yë -nu 'a- kë sië- 'dhö, kwa dheebhang dhöobhaa -sü 'wo- Tisikö -kë 'ö -kë 'pö kwa Dëme -kodhiüme 'ö to ö -wu -ta -a do 'bha 'ka bha □në dho- pö ka -dhe kö 'ma -wo 'ka -dhe 'ö- 'gü 'ka- do.

²² Ma □në 'a- bo. A- -bo "dhü -d1 -wön "dhiü kö -yö 'wön 'dhe 'ö yi -bha □në- pö ka -dhe. Kë "dhü kö ka zuë" -yö 'waanu.

²³ Kö kwa Dë Atanna waa- kwa Dëme Yesu Klisi -wo zuëwaanüsü, -dho waa- -zu -yö -a -dhe -sü nu kwa dheebhang □gbang "pepe -dhe bha 'aa -yö kë

²⁴ kö 'me "pepe 'ö kwa Dëme Yesu Klisi -wön 'dhö ka -go, 'ö- -dho 'yaa 'go ka -zu -bha tong-tongdhö bha Atanna -yö -gasite kë me □gban "pepe ka -dhe bha 'aa -yö kë.

NAᶒ -SĚ 'SĚĚDHĚ
Dan: NAᶒ -SĚ 'SĚĚDHĚ New Testament
Dan Nouveau Testament

copyright © 1991 Wycliffe Bible Translators, Inc.

Language: Dan

Dialect: Eastern

Contributor: Wycliffe Bible Translators, Inc.

All rights reserved.

2021-07-12

PDF generated using Haiola and XeLaTeX on 18 Apr 2025 from source
files dated 29 Jan 2022

b0d5029a-c700-5b99-a67b-bae5c5f3b14c